



МЕСЯЦА ОКТЯБРЯ В 23-Й ДЕНЬ

Святаго апостола Иакова, брата Божия

На Господи, возвах: стихиры на 6, глас 4.

Подобен: Дал еси знамение:

Приидите, память Богобрата почтим священо, о Богомудрии./ Иго бо взем Христово усердно,/ Евангелия благодсти Его и Царствия проповедник показался,/ и Того неизреченное строение уверяет./ Темже им, Всесильне, очищение нам даруй.

Вся огласи вселенныя концы глагол твоих вещание,/ имиже просвещаемся добродетелей Божественная ко всякому виду/ и наставляеми верно Святыя Троицы к познанию./ Тем молим тя яко иерарха:/ молися Иисусу Человеколюбцу спасти души наша.

Издапча прозря твое жительство, Иакове, брата тя прия Христос Человеколюбец, премудрый провидец,/ Иерусалима священноявленника верна/ и пастыреначальника поставляет,/ и таинника неизреченная священнодействующа таинства./ Егоже и ныне моли спастися душам нашим.

Слава, глас 6. Самогласен:

Кровию мучения священство украсил еси, священномучениче апостоле:/ на криле бо святилица представ,/ Бога Слова проповедал еси, Творца суща всего./ Тем от иудей свержен,/ Небесных чертогов сподобился еси, Богобрате

Иакове,/ Христа Бога моли спастися душам нашим.

И ныне, Богородичен: Кто Тебе не ублажит:

На стиховне стихиры, глас 1.

Подобен: Небесных чинов:

Благочествующих множества,/ ныне священный праздник радостно совершающе,/ воскликнем вси, верно восхваляюще во псалмех и пениих,/ Богобрата днесь и ученика Господня:/ присно бо молит спастися нам.

Стих: Во всю землю изыде вещание их/ и в концы вселенныя глаголы их.

Еже по плоти Господня желания, мудре,/ брат показался еси,/ ученик и самовидец Божественных таин,/ бегаяй с Ним и в Египте быв со Иосифом,/ Материю же Иисусовою:/ с Нимиже моли спастися нам.

Стих: Небеса поведают славу Божию,/ творение же руку Его возвещает твердь.

Апостольский лик тебе избра/ священствовати первее в Сионе святем/ Христу Благодетелю,/ яко суца Того по плоти сродством и брата,/ спутешественника и наследника следов Того, Иакове.

Слава, глас 8:

Началопастыря Христа брат был еси и преемник/ и во апостолах знаменит,/ еже за Того умрети возлюбил еси/ и мучения не устыдился еси,/ Иакове славне:/ Того моли непрестанно спасти души наша.

И ныне, Богородичен:

Владычице, прими молитвы раб Твоих/ и избави нас/ от всякия нужды и печали.

Тропарь, глас 2:

Яко Господень ученик восприял еси, праведне, Евангелие,/ яко мученик имаши еже неописанное,/ дерзновение яко брат Божий,/ еже молиться яко иерарх:/ моли Христа Бога спастися душам нашим.

Слава, и ныне: Вся паче смысла:

НА УТРЕНИ

На Бог Господь: тропарь дважды.
 Слава и ныне, Богородичен.
 По 1-й стихологии седален, глас 1.

Подобен: Гроб твой:

Апостоле Христов, и самовидче, и мучениче, /
 Иакове премудре, брате Божий блаженне, / ве-
 рою празднующая честную твою память / свобо-
 ды от обдержавших прегрешений молитвами
 твоими, / Небеса наследуй силою духа.

Слава, и ныне, Богородичен:

Купину, юже Моисей неопальну виде, / гору
 Божию, святой облак, сень нескверную, / Бого-
 приятную трапезу, палату Высокаго Царя, / все-
 светлую и непроходимую дверь, / Дево, поем Тя.

По 2-й стихологии седален, глас 5.

Подобен: Собезначающее:

Ученик Словесе, Истины проповедник, / яко
 стрела послан был еси, / просвещая сущия во
 тьме лютей, святе апостоле, / и безбожия мглу
 отгоня от земли, / вся благоверующия сыны дне
 показал еси, / Христов видче, святе Иакове.

Слава, и ныне, Богородичен:

Иже упование на Тя, Дево Пречистая, / неп-
 ретковенное имущее, / покров сущи от различ-
 ных напастей и обстояний, / и бед лютых свободи
 ны, / молящи Сына Твоего со апостолы Его, / и
 спаси вся, воспевающая Тя.

Оба канона Октоиха, без мученичнов. И апостола канон на
 6. Феофаново. Глас 4.

Песнь 1

Ирмос: Моря черную пучину / невлажными стопами, /
 древний пешествовав Израиль, / крестообразными Мо-
 исеевыми руками / Амаликову силу в пустыни победил
 есть.

Даянию благому, Иакове, / и дару совершенну
 от Отца светов человеком подаются, учиши
 яве, / Емуже причастится, апостоле, ты поющим
 помолися.

Светом просвещен, доблий, Божественнаго
 Духа / и с Ним законы изложив, / Церкви управ-

ляеши языков, яко Христов апостол, священно-
тайнниче всеблаженне.

Лик апостольский, всемудре, яже украсил
еси, / яко первый иерарх быв, самодейством Сло-
ва помазан яко ученик и брат Божий, / священ-
нопроповедник священнейший.

Богородичен:

Источник Тя исцелений имуще, / почерпаем,
яко Источник рождшую жизни, Богородице Дево
Чистая, / и душ врачевство, и телес обновленье.

Катавасия: Отверзу уста моя:

Песнь 3

Ирмос: Веселится о Тебе Церковь Твоя, Христе,
зовущи: / Ты моя крепость, Господи, / и прибежище, и
утверждение.

Веселится о тебе колена Иудово днесь, / Хри-
стовыми светлостьюмъ виде тя светло облиста-
юща.

Звезду Богосиянну Церковь язычная имуще
тя, / благославнаго проповедателя, / и Божествен-
ным Светом озаряется.

Закон ты жизни Церкви Христове положил
еси, / Жизнодательным Духом ты законополагая и
вещающая.

Богородичен:

Егоже родила еси плотию, о Богомати, / из
Отца Возсиявшаго, / Того, Чистая, Иаков яко
Бога всех проповеда.

Седален, глас 8.

Подобен: Премудрости:

Сродник по плоти Иисусов был еси, / и от
Него, апостоле, благодать многу приял еси / и всем
преподал еси просвещение и разум, всемудре
Иакове, / и идольскую лесть из корене
исторгнув. / Тем, иже тьмы предстатели и лестцы,
неправедно тя убивают, Спаса проповедающа. /
Сего ради вопием ти: / моли Христа Бога грехов
оставление даровати чтущим любовию святую
память твою.

Слава, и ныне, Богородичен:

Солнца облаче разумнаго, / Божественнаго

Света светільниче златокованный, / Нескверная,
Неблázная, Всенепорочная Владычице, / омра-
чѣнную душу мою ослеплением страстей, / без-
страстия зарѣю просвети, молюся, / и осквернен-
ное мое сердце омый потоки умиления, / пока-
яния же слезами и от тимѣния мя очисти дел
моих, / да любовию зову Ти: / Богородице Присно-
дево, моли Христа Бога прегрешений оставление
подати ми, / Тебе бо имею надежду, раб Твой.

Песнь 4

Ирмос: Любвѣ ради, Щедре, Твоего образа, / на Кресте
Твоем стал еси, / и растаяшася языцы: / Ты бо еси,
Человеколюбче, / крепость моя и хваление.

Ввел еси в море Твоя кони, апостолы, Спасе, /
и просветиша языки, к Твоему познанию прив-
лѣкше, Владыко.

Нескверно, яко зерцáло, явлься, / и переводе-
тельные лучи Несозданныя Троицы известно
приѣм, / всем возсиял еси.

Валяемаго тя кáменя пророчество освященное
зрит / и сокрушающа прелести гнилое сýетство /
силою Духа.

Богородичен:

Вшед, о Богомати, во чрево Твое Превечное
Слово, / родивыйся из Отца неизреченно, / Иако-
ва апостола являет.

Песнь 5

Ирмос: Ты, Господи, мой свет, / в мир пришел еси, /
Свет Святыи, обраща́й из мрачна невѣдения / верою
воспевающия Тя.

Ты, Господи, Свет, / блистание Иакова явил
еси светяща / и земныя невѣдения и тьмы изме-
няюща.

Тя, Господи, гласом свободным проповѣда /
праведный брат Твой, / подражатель же страсти
бысть, убиваем.

Кий земный ум похвал пения тебе принести
может, / добродетелей просвещенному благодать-
ми, Иакове.

Богородичен:

Тя истинно Божественное обрѣт жилище, /
вселися, о Дево, наше спасение, Слово, промыш-
ляя.

Песнь 6

Ирмос: Пожру́ Ти со гла́сом хваления, Господи, / Церковь вопи́ет Ти, / от бесо́вския кро́ве очи́щися, / ради милости от ребр Твоих / истекшею Кровию.

Одеждею законною облече́ тя лучшею / и иерарха являет, Аарона древняго честнейша, / иже милости ра́ди в братство прие́мый тя.

Орга́н, де́йствы ударяе́м Духа, / все помышле-ние наслажда́я и Богу привед спасае́мая от работы люте́йшия, / был еси изря́днейший.

Возжажда́в, жи́зненные испил еси воды, / и ре́ки источаеши Богоглаголиваго твоего чрева, / теку́щая вселенней Божественным Духом.

Богородичен:

Ева убо преслуша́нием смерть роди́, / Богородица же, Жизнь заче́нши, роди́ Нестаре́ющуюся / и древний за всех отдаде́ долг.

Кондак, глас 4.

Подобен: Вознесы́йся:

Отчее Единородное Бог Слово, / пришедшее к нам в последния дни, / Иакове Божественне, / перваго тя показá Иерусали́млян пастыря и учителя, / и вернаго строителя та́инств духовных: / темже ты вси чтим, апостоле.

Икос:

Рождение ты Иосифово, Иерусалима перваго иерарха, Иакове Боговидче, и Господня брата / песньми похвальными воспоём верно и к тебе возопиём: / да́руй нам дар соверше́н от Отца свётов / и отжени скорбь, настоящую от множества прегрешений, / поднесо́ша бо врази на ны пя́ту и обступи́ша нас исмаильтяне, / ихже сокруши́ вскоре лу́ки, священноявлённе, яко да ты вси почитаем, апостоле.

Песнь 7

Ирмос: В пе́щи Авраа́мстии о́троцы перси́дстей, / любовь благочестия па́че, / нежели пла́менем опаляеми, взыва́ху: / благословен еси в храме славы Твоея, Господи.

Яко в пе́щи, на го́рнице просвещае́м Божественным пришествием Духа, та́инственно, / Богоглаголиве, возопил еси: / благословен еси в храме славы Твоея, Господи.

Свы́ше дыха́ние зельное / апостола язы́ком огнеобра́зным веща́ти Божия величества

устроби:/ благословен еси в храме славы Твоея, Господи.

Видения деятельнаго излагая дщицу,/ от скрижа́ли же, яко духовныя, человеки научи́л еси:/ благословен еси, Боже мой, зовый, Господи.

Богородичен:

Возсзда́вый мир во утробе Твоей, Богоневесто,/ Божественнаго служения показывает совершителя Иакова, взывающа:/ благословена Ты в женах, Всенепорочная Владычице.

Песнь 8

Ирмос: Руце распростёр Даниил,/ львов зы́ния в ро́ве затче́,/ огненную же силу угаси́ша,/ добродетелию преподобсавшеся,/ благочестия рачи́тели,/ отроцы, взывающе:/ благословите вся дела Господня Господа.

Ру́це распростер крепкия,/ апостолы Твоя, Спа́се, благословил еси, восходя, Владыко, к Безначальному Отцу Твоему,/ и устроил еси ты́я с веселием вопи́ти:/ благословите вся дела Господня Господа.

Якоже обещался еси, неложно апостолом Твоим Духа послал еси,/ Сего Иаков, Владыко, свѣтлостию просвещаем,/ вселенную молниями просвещает я́ве и вопи́ет Тебе:/ благословите вся дела Господня Господа.

Мудрость, Иакове му́дре, Ипостасную имел еси Учи́теля,/ учащу тя неизреченным и неизглаголаным тайнам,/ и к благочестию люди зва́ти воздвигл еси:/ благословите вся дела Господня Господа.

Богородичен:

Гору явлѣнну мысленную, Дево Чистая, пророк виде Тя,/ из Тебе бо пречестный Камень отсече́ся,/ спасая вселенную воистину, Божественно поющую:/ благословите вся дела Господня Господа.

Песнь 9

Ирмос: Камень нерукосечный/ от несекóмыя горы Тебе, Дево,/ краеугольный отсече́ся,/ Христос, совокупивый разстоящаяся естества:/ тем, веселя́щеся, Тя, Богородице, величаем.

Приидите, первопрестольника вси, Цѣркве свѣти́льника,/ священными, Иакова, пѣсньми, яко иерарха и Христопроповедника,/ тезоименне праведнаго именованна, величаем.

Божественнаго общника, яко явльшася Безконечнаго Царствія, / и Божія наречённа брата, / и житиём истинствующа, именованіе приёма, / священнотайнника тя величаем, Иакове.

Престолу предстоя, блаженне, венценосец Троицы, / верою почитающих твою память, нетлеющих насладитися честей, / яко иерарх, Иакове, благоприятен, / твоего Владыку умоли.

Богородичен:

Ты, от Девы Рождённаго неискусобрачно, Богоявленне, / учении твоими яве чести Бога научаеши, Воплощенное Слово, / в Негоже мы верующе ныне, достойно величаем.

Светилен.

Подобен: Духом во святѣлицѣ:

Яко Господня брата бывша, блаженне Иакове Богодохновенне, / вернии по долгу хвалим тя, / славяще светлую и всечестную, и светоносную твою память: / молися прилежно за чтущих тя.

Слава, и ныне, Богородичен:

Молитвенницу Тебе приводим и теплую Предстательницу, / Чистую Матерь Твою, вернии, по долгу: / сподоби рабы Твоя причаститися славы Твоея, и праведных части, / и сладости райския, и улучити нам Небесное Царствие.

На хвалитех стихиры на 4, глас 8.

Подобен: Господи, аще и на судици:

Господи, аще и на криле предста святѣлица Иаков, / но, дерзновением возопив, Бога Слова Тя проповеда, / Содетеля всех, в мир пришедшаго: / Егоже молитвами и ныне подаждь просвещение душам нашим.

Господи, аще и древом главѣ апостолова сокрушена бысть, / но в рай древо жизненное ему дадеся / и, от временных отрешився, вечно веселится: / егоже молитвами Церквам мир Твой низпосли.

Господи, Ты исповедав на земли доблественне, брат Божий, / Сына Бога Вышняго, искренно приснопамятный, / злославныя враги посрами и укроти: / сего ради и пострадав, Тебе предстоит, радуяся.

Господи, аще и свергоша иудеи с высоты праведнаго, / но Небесных чертогов с веселием сподобися, / и в пищи наслаждения достойно веселится: / тем убо подаеши мир душам нашим.

Слава, глас 1. Византиево:

Во огненной заре Божественнаго Духа просветився, / благочестия явился еси Божественный ревнитель, / брате Божий Иакове. / Тем и одеждою ты законнаго священства, / яко Аарона древняго, честнейшею одея, / иже милосердия ради в братство ты приемый. / Того моли, апостолов похвало, / спастися душам нашим.

И ныне, Богородичен. Славословие великое, и отпуст.

На Литургии: Блаженна от канона апостола, песнь 3 и 6. Прокимен, глас 8: Во всю землю изыде вещание их. Стих: Небеса поведают славу Божию: Апостол к Галатам, зачало 200. Аллилуия, глас 1: Исповедят Небеса чудеса Твоя, Господи. Евангелие от Матфея, зачало 56. Причастен: Во всю землю изыде вещание их:

**В
ТОЙЖЕ
ДЕНЬ**



**Святаго праведнаго Иакова Боровитскаго,
чудотворца, пренесение мощей
ВЕЧЕР**

Блажен муж: На Господи, возвах: стихиры, глас 5.

Подобен: Радуйся:

Радуйся, Великий Нбвграде, / красуйся и ликуй, Церковь Божия, / днесь бо светило великое нам явися, / многоцелбныя мочи блаженнаго Иакова, / и мир весь просвещают Богодарованными чудесы, / яко источник неисчерпаемый показашася, / и яко струи точат исцеления / верою приходящим к блаженным мощем его: / дарует бо здравие неоскудно, / болящим во гресех великое врачевание, / и Христа молит даровати душам нашим мир и велию милость.

Радуйся, Богомудре отче Иакове, / твоя бо мочи всечестныя и святыя / обильно всегда источают исцеления верно приходящим, / благоухания всех исполняюще духовнаго / и тьму демонскую далече отгоняюще. / Темже молим тя, раби твои, / всякаго навета вражия нас избавити: / яко

да радостною душею и чистым сердцем, / святое
твое пренесение духовно прázднующе, / мо́лимся
дарова́ти душáм нашим мир и вéлию милость.

**Раду́йся, премудре отче Иакове, / Ангельское
на земли жити́е пожíл еси, / дýхови плоть пови-
ну́л еси, / пощением же и воздержанием свет
мíрови явíлся еси, / украси́лся бо еси,
блаженне, / и Святей Троице обитель себе соде-
лал еси, / и дарова́ния чудес от Нея сподóбися /
исцеля́ти различныя недúги / приходящим с ве-
рою к мощém твоим, и прázднующим святое
пренесение. / Моли́ дарова́ти душáм нашим мир и
вéлию милость.**

Слава, глас 4:

**Преблаженне отче наш Иакове, / благодатию
Божественнаго Духа / обильно всегда источáеши
исцеления / с верою приходя́щим к мощем твоим, /
ю́же прия́л еси от всех Царя Христа Бога. /
Егоже дéтелию дýхи лукавыя от человек
отгоня́еши, / исцеля́еши стра́сти неисцельныя / и
просвещаеши верных сердца́ блистанием чудес
твоих. / С Вь́шними же ли́ки ныне на Небесех
водворя́ешися, Богомúдре, / и радостии неизречён-
ныя наслажда́ешися. / Темже днесь прázднующе
пренесение твое, / моли, мо́лим тя, молитвами
твоими / дарова́ти нам пособие на враги / и мир
мíрови испроси́, / належа́щих нам скорбей ду-
шевных и телесных страстей / свободи́ молитва-
ми твоими.**

И ныне, Богородичен: Иже Тебе ради:

**Вход. Прокимен дне. И чтения три преподобническая
(зри страницы 791—792).**

На литии стихиры, глас 4. Самогласны:

**Приидите, вернии, хвала́ми, соше́дшеся, / ны-
не соста́вим торжество в честнém прázднице /
честна́го пренесения блаженнаго Иакова, / ду-
ховно прázднующе, / к нему возопи́ем: / моли́, мо́-
лимся, нам победительная на враги дарова́ти, /
тебе бо молитвенника ко Владыце тéпла
стяжа́хом, / подающаго мирови вéлию милость.**

**Возсия́ днесь пресветлая память твоя, Бого-
мудре Иакове, / созыва́ющи ны прázднолю́бцы к
похвалению / и славе Христа Бога нашего. / Тем,**

притекающе к мощем твоим, / исцеления дар прие́млем, / и тебе, прославльшаго Спаса Христа, воспева́ем во веки, / непрестанно сла́вляще.

Отче преблаже́нне **Иакове**, / днесь любовью соше́дшися к тебе, / свѣтло торжествующе гла́сы пѣсненными, / псаломски вопи́юще, глаголем: / блажен муж, боя́йся Господа, / непоро́чно бо в за́поведех Господних ходи́л еси, / темже ныне с пра́ведными на Небесех водворя́ешься, / с ни́миже моли́ся Господеви спаст́ися душа́м на́шим.

Слава, глас 4:

Духовною благодатию отъе́млеши недуги страсте́й / и отго́ниши дѹхи лука́выя, / и исцеля́еши стра́сти неисцѣльныя, **Иакове** всеславне, / и просвещаеши сердца́ верных блиста́нии чудес твоих. / Темже днесь гла́сы немолчными воспева́ем / пресвѣтлую и светоносную память твою.

И ныне, Богородичен: При́зри на моления:

На стиховне стихиры, глас 8.

Подобен: О, преславнаго чудесе!

О, преславное чудо! / Божиим манове́нием рака твоя, блаженне, / на кре* пришедши, ста недви́жимо, / вернии же людие, обретше тя, радостию и любовью прие́мляху. / Молитвами Твоего угодника, Христе Боже, / спаси́ дѹши наша яко Милосерд.

Стих: Честна пред Господем / смерть преподобных Его.

О, пресла́вное чудо! / Сиянием Духа Пресвятаго просвещаеши весь мир, / притекающих к мощем твоим Богомудре **Иакове**. / Темже, вернии, сошедшися в твое пренесение, Господеви вопи́ем: / **Иисусе Царю**, спаси́ дѹши наша яко Милосерд.

Стих: Блаже́н муж, боя́йся Господа, / в за́поведех Его восхо́щет зело́.

О, пресла́вная и́стинная чудеса́ блаженнаго **Иакова!** / Какó возмо́жем похвалити или ясно изглаго́лати, / подаёт бо различная исцеления / не то́кмо притека́ющим к мощем его, / но и вездѣ

* на кре — на льдине.

призывающим имя его, / никогдаже ску́дны своих чудес оставляет. / И ныне моли́ся, блаженне Иакове, / дарова́ти нам ве́лию милость.

Слава, глас 6:

Возсия́ днесь пресветлое торжество́, / отче Богомудре Иакове, / ты бо от младенства Богу прилепи́лся / и Того стопам последовал еси, / мирский мяте́ж, аки ну́жное волне́ние, преплы́л еси, / и ныне на Небесех царствуеши. / Мы же, поклоня́ющесе мо́щем твоим, / верно от ду́ши Христа славосло́вим, / давшаго нам тебе, те́пла молитвенника к Богу: / к Немуже о нас моли́ся, / чтущих и верно пра́зднующих твое пренесе́ние, / спастися ду́шам нашим.

И ныне, Богородичен: Творец и Избавитель мой:

Тропарь, глас 1:

Божество́нную благодатию просвети́вся, / и по смерти да́руеши исцеление / притека́ющим к тебе, премудре Иакове: / те́мже и мы ныне чтим честны́х мо́щей твоих пренесе́ние, / веселя́ще вку́пе ду́ши и телеса́. / Тем вси вопие́м: / Слава Давшему ти крепость! / Слава Венчавшему тя! / Слава Де́йствующему тобою всем исцеления!

Слава, и ныне. Богородичен: Гавриилу вещавшу:

НА УТРЕНИ.

По 1-м стихословии седален, глас 4.

Подобен: Явился еси:

Пресветлую твою́ память днесь торжествующе, / Спаса и Господа моли́ти прилежно / тя молим, отче Иакове, / всем подáти согрешений прощение.

Слава, и ныне, Богородичен:

Теплое заступление сущим в беда́х, и Помощницу нашу, и к Богу пременение, / Еюже тли изба́вихомся, / Богородицу вернии уболажаем.

По 2-м стихословии седален, глас 1.

Подобен: Лик Ангельский:

Жити́е на земли благоче́стно скончав, / при́ятелище Духа Святаго явился еси, / просвеща́я к тебе верою притека́ющия, блаженне. / Темже моли́ Владыку и Господа / просвети́ти ду́ши наша, воспевающих тя, / Иакове Богоблаженне, отче наш.

Слава и ныне, Богородичен:

Всех Творца и Господа, и Зиждителя, / Всенепорочная, Чистая, / Духом Божественным в ложахнах зачѣнши, / без истления родила еси, / Егоже славяще, Тя воспеваем, Дево, / яко палату всех Царя и мiрови спасение.

По Хвалите Имя Господне: припев:

Ублажаем тя, / святой праведный Иакове, / и чтим святую память твою, / ты бо молиши за нас / Христа Бога нашего.

Псалом избранный: Терпя потерпех Господа:

По полиелеи седален, глас 8.

Подобен: Премудрости:

Плотскія страсти воздержанием, отче, увядил еси / и благодать духовную восприял еси, / тем и сосуд достоин был еси, / и по кончине явился еси, страсти очищая, / отче Иакове, моли Христа Бога, / грехов оставление даровати, / чествующим любовию святое твое пренесение.

Слава, и ныне, Богородичен:

Яко Деву и Едину в женах, / Тя, без семене рождшую Бога плотию, / вси ублажаем, роди человечести, / Огнь бо вселися в Тя Божества, / и яко Младенца дойши Зиждителя и Господа. / Тем Ангельский и человеческий род / достойно славим пресвятое Рождество Твое и согласно вопиѣм Ти: / моли Христа Бога / согрешений оставление даровати поклоняющимся верою пресвятому Рождеству Твоему.

Таже степенна, 1-й антифон 4-го гласа. Прокимен: Честна пред Господем: Стих: Что воздам Господеву: Всякое дыхание: Евангелие от Матфея, зачало 43.

По 50-м псалме стихира, глас 6:

Приидите, вси людие, / хвалу принесем блаженному, вопиюще: / радуйся, пресветлый столпе, / просвещая нас чудес светлостью. / Радуйся, росоносный облаче, / пламень погашающе страстей и орошающе верных мысли. / Радуйся, моляйся Христу, / еже подати воинству нашему победы на поганья враги / и умирить мир, и спасти души наша.

Канон Богородицы, со ирмосом на 6. И святаго канон на 8. Егоже краегранесие по алфавиту до девятыя песни: Совершен же списавшаго именем. Глас 5.

Песнь 1

Ирмос: Спасителю Богу, / в мѣри люди немѣкрыми ногами настѣвльшему / и фараона со всебѣиством потѣпльшему, / Тому Единому поѣм, яко прослѣвися.

Агнче Божий, Слове, даждь ми слово недостойному Твоему рабу, / да возмогѣ воспѣти в память пренесения мощѣй блаженнаго Иакова торжество, взывая: / Тому Единому воспѣим, яко прославися.

Безвестная и тайная последнему роду явлѣна бѣша честныя мѣщи твоѣ, премудре Иакове, / к нимже прикасающесе, освящение приѣмлем, Господеви поюще: / Того Единого воспѣим, яко прославися.

Всесвятая твоя память возсия мѣрови, яко солнце, просвѣщая дѣуши благочестно поющих тя, / в нейже молисе, блаженне, подѣти очищение грехов Господеви зовущим: / Того Единого воспѣим, яко прославися.

Богородичен:

Господородительнице Чистая, Небесный вхѣде, / горѣ несекѣмая, дверь непроходѣмая, / апостолом слава, мучеником веселие, преподобным красота, / приими моление наше, еже Ти приносим / в память блаженнаго Иакова, Господеви поюще: / Того Единого воспѣим, яко прославися.

Катавасия: Отверзу уста моя:

Песнь 3

Ирмос: Водрузивый на ничесѣмже зѣмлю повелением Твоим / и повѣсивый неодождѣмо тяготѣющую / на недвижимем, Христе, кѣмени заповѣдей Твоих, / Церковь Твою утверди, Едине Блаже и Человеколюбче.

День прѣзднственный днесь прѣзднуют нарѣди Великаго Новѣграда, / обретѣша бо мощи блаженнаго Иакова, яко некое сокровище богѣтно, / непрестанно Христу зовуще: / Церковь Твою утверди, Едине Блаже и Человеколюбче.

Естество тлѣнное нивѣчтѣже вменив, / житие чистое на земли пожил еси / и сего ради наследовал еси Небесное селение. / Моли и нам получитьи тамѣшнее блаженство, прѣзднующим твое пренесение, / да непрестанно Христу зовем: / Цер-

ковъ Твою утверди, Едине Блаже и Человеколюбче.

Житие твое, яко солнце, в сердца верных возсия, зарю чудес испущая, / темже и нас не вечерним Светом озари, всечестное твое пренесение почитающих, / да непрестанно Христу зовем: / Церковь Твою утверди, Едине Блаже и Человеколюбче.

Богородичен:

Зелó люте погружаемую дúшу мою в пучине житейских страстей / и бурею одержимую безмерных согрешений, / спасения ми простри руку, Пречистая, и изведи из глубины зол моих, / да, радуясь, славлю Тя, Всенепорочную.

Седален, глас 5.

Пресветлая и светоносная, отче Богомудре Иакове, / приспе твоя память, созывающи верных множество / прославити и пети твое честное пренесение, / просим от Христа прияти велию милость.

Слава и ныне, Богородичен:

Явилася еси вышши Небесных сил, / Владыку и Господа рождши, Богородице: / земных естество возвела еси, Богоневестная. / Темже Тя, воистинну, Богородительнице, / сердцем и душею вернии славим.

Песнь 4

Ирмос: Дела смотрения Твоего, Господи, / ужасиша пророка Аввакума: / изшел бо еси на спасение людей Твоих, / спасти помазанныя Твоя пришел еси.

Землени бо есмь и перстни человецы, / верно припадаем к пречестным мощем твоим, блаженне Иакове, просяще отпущения грехов: / молися о верно празднующих твое честное пренесение.

Иже крест возьм, блаженне, и желаемаго ти отечества достиг, Горняго Иерусалима, / и в нем со Ангелы ликуеши, Иакове премудре: / молися о чтущих твое честное пренесение.

Ныне на Небесех с праведными веселишися, преблаженне Иакове, / с нимиже молися, Христу предстою, мир мiрови даровати / и благочестивому народу нашему здравие, и на враги побеждение, / и всем скорбящим утешение.

Богородичен:

Кто не удивится или кто не почудится человеколюбю Божию, / спед бо с Небесé и воплотися нас ради из Тебе без Отца, Едина Всепетая: / Егоже моли избáвитися рабóм Твоим от всякия скорби.

Песнь 5

Ирмос: Ока́нную душу мою, но́щевору́щуюся со тьмою страстéй, / предвари́в, ущéдри / и возсияй, мысленное Солнце, днесвѣтлыя звезды во мне, / во еже разделити но́щь от света.

Любовию чту́ще твое пренесение, прилежно ты молим, премудре Иакове, / не престáй моля́ся Христу Богу, / да при́йдем грехов просты́ню и да озарит нас в но́щí свет.

Множество народа Великаго Новáграда, сошедшеся днесь в твое пренесение, блаженне Иакове, / и прикаса́ющесе честнымъ мо́щém твоим, от них исцеления почерпа́ем, непрестанно зову́ще: / да озарит нас в но́щí свет.

Не то́кмо в житии сый, но и по смерти мно́га чудеса / от честныя ти раки содева́ются приходящим с верою, всеблаженне Иакове, / недуги прогоняеши и от бед избавляеши силою Христовою. / К Немуже непрестанно зовем: / да озарит нас в но́щí свет.

Богородичен:

Он, вселукавый, по вся дни к гóршим влечёт мя, / и в ров погибели влагаёт, и во отчаяние мя влечёт; / но того мя ловлénия, Чистая, исхити, / и творити волю Божественную Сына Твоего и Бога нашего настави, / и в час страшнаго пришествия Его избави мя всякаго осуждения.

Песнь 6

Ирмос: Обы́де мя бездна, / гроб мне кит бысть: / аз же возопих к Тебе, Человеколюбцу, / и спасé мя десни́ца Твоя, Господи.

Приидите, соберитесь, Великаго Новáграда народи, / свѣтло празднуем пренесение мо́щéй блаженнаго Иакова, / мо́лится бо ко Владыце и Богу нашему, да избавит нас от всякаго озлоблénия, / к Немуже, воспевающе, глаголем: / спасé нас десни́ца Твоя, Господи.

Ра́ка мощей твоих, премудре Иакове, дража́йши сапфира показася, / чудотвори́ва бо бе, исцеления источа́ющи. / Тя ублажающе́, вернии радостно от души Христу зове́м: / спасе́ нас десни́ца Твоя, Господи.

Светлыми сиянии обрето́шася на кре честны́я твоя мо́щи, Иакове пречудне, / ныне, аки заря пресветлая, просвещают и освещают чтущих тя верно / и радостно от души Христу зову́щих: / спасе́ нас десни́ца Твоя, Господи.

Богородичен:

Тебе, Чистую Деву Нескве́рную, / Едину́ има́м стéну непреобори́му, / прибежище и покров кре́пок и оружие спасения, / да мя не презриши ока́яннаго, / надежда ненадежным, скорбя́щим радость и заступление.

Кондак, глас 8.

Подобен: Взбранной:

Верою и любовью / твое честнóе пренесение прáзднующих, блаженне, / сохрани и соблюди от всякия злóбы и соблазна зми́на, / има́ши бо дерзновение ко Влады́це всех, Христу Богу. / Егоже моли спасти православныя люди, / молящия тя, да вси вопие́м ти: / радуйся, отче Иакове, / всея Российския земли удобрение.

Икос:

Ангел на земли житием показався, / Ангелы удивил еси, бесы же устраши́л еси, / и человеки просветил еси заря́ми чудес твоих, Богоносе и преблаженне, отче наш Иакове. / И ныне нас вразуми́ воспевати песнь к твоему хвалению, / радостным гла́сом си́це глаголющих: / радуйся, оста́вивый тлénное мудрова́ние и приéмый нетленный венец; / радуйся, терпеливый душо́ю, иже злоко́зненнаго врага под нога́ми стерл еси; / радуйся, ни́жнее мудрование оставль и Вышня́го Царствия достиг; / радуйся, целите́лю болезней и отгоните́лю страсте́й; / радуйся, отче Иакове, всея Российския земли удобрение.

Песнь 7

Ирмос: О гня гаси́лище, отроко́в молитва, / орошающая пещь проповедница чудесе́, / не опаляющи, ниже́ сожига́ющи / песносло́вцы Бога отец наших.

Уста́ви нынешнюю бурю, обдержашую нас, блаженне, / и укроти́ молитвами твоими, / и варварское нахождение низложи́, / и нас, раб твоих, на сопостаты укрепи, да, радуящися, поем: / Боже, благословен еси.

Фарисейски не лицемеруем, но, со смирением и радостию прикасающися к мощем твоим, премудре Иакове, / просим прощения грехов, Христу от души вопиюще: / Боже, благословен еси.

Хранитель буди великия России, христоролюбивому народу нашему, Богомудре Иакове, / сохраняяй от погáных нашествия и междоусóбныя брани, глáда же и па́губы, / да молитвами твоими избáвльшися, радостно от души Христу зовём: / Боже, благословен еси.

Богородичен:

Отчаявшимся еси вéлие прибежище, обуреваемым тихое пристанище еси, Богородице. / Темже и мы, припадающии, да не постыдимся, Мати Истиннаго Живота, Тебе благодаряще и поюще: / благословенна Ты в женах, Всенепорочная Владычице.

Песнь 8

Ирмос: Оросившаго пещь и отроки сохраншаго посреде горящаго пламене, / óтроцы, славословите, / священницы, благословите, / людие, превозносите во вся веки.

Молитвенника тя тепла стяжавше и скóраго помощника, / и яко стéну твёрду, и забрало недвижимо и необуреваемо, / не забуди молитвенник твоих, избавляй нас от всякия нúжды и печали, да, радуящися, Христу зовём: / людие, превозносите Его во веки.

Чудес источник мóщи твоя явися, Иакове преблаженне, / от нихже обильно вси притекающии приемлют телесём здравие и душáм спасение твоими молитвами, / да, радуящися, Христу зовем: / людие, превозносите Его во веки.

Шествие твое дóбре скончал еси и мирский мятéж, аки безбурное пристанище, преплы́л еси, / и Ангельски на земли пожил еси, плоть твою дúхови повинул еси. / И ныне на Небесех предстоя всех Царю Христу, / поминай чтущих твое пренесение, Емуже зовем: / людие, превозносите Его во веки.

Богородичен:

Щедраго и Человеколюбиваго Спаса рождши, Чистая, / **Того** моли ущедрити раба Твоего и к покаяния пути настави, / лукаваго соблазны от сердца моего отжени, и того избави ловления, / и огня вечнаго исхити, / яко да непрестанно пою Тя, Чистую, во вся веки.

Песнь 9

Ирмос: Исáие, ликуй, / Дева имé во чреве и роди Сына Еммануила, / Бога же и Человека, Восток Имя Ему, / Егоже величающе, Деву ублажаем.

Источник исцеления испущая, врачевание же безмездно, / ковчег священства твоих мочей рака явися: / от нихже почерпаем здравие присноживотное, притекающие верно, блаженне Иакове, / и тебе Даровавшаго в песнях величаем.

Возвеличил еси на земли твоего Владыку, / тем и в твое пренесение глубину чудес показá и струю неоскудевавему, раку мочей твоих, Иакове премудре, / слепым еже видети даровáся, прокаженным очищение / и одержимыя нечистыми дүхи целомудренны творishi. / Темже тя величаем.

Недостойною моею рукою принесох ти такое слова извiтие, Богомудрый Иакове, / не презри, но прими сие с любовию и моли за мя Творца, твоего Владыку и Господа / тамошняго мя избавити мучения и милость обрести в день страшнаго испытáния.

Богородичен:

Владычице мира, Богородице, / во глубинé зол погiбели мене, погруженнаго злоумно сластми плотскими, / и пристрастием вещьми жития, / изведи, Пресвятая Дево, Твоим милосердием, / ибо не íмам надежды: / весь бо есмь, Чистая, во отчаянии, да Тя непрестанно величаю.

Светилен.

Подобен: Жены, услышите:

Якоже солнце облистая, чудеса испущаеши, просвещая верных сердецá, / твое славное пренесение верно творящая спасай, Богомудре Иакове, отче наш.

Слава, и ныне, Богородичен:

Тя Предстательницу íмамы грешнии, о Пресвятая Дево! / Ты благопрéмна сотвори Сына

Твоего и Бога нашего/ Матерними Твоими молитвами.

На хвалитех стихиры на 4, глас 4.

Подобен: Яко добля:

Приидите, вернии, хвалами сошедшися, / ныне составим торжество, / в честном празднице честнаго пренесения блаженнаго Иакова / духовно празднующе, к нему возопиим: / моли, молимся, нам победительная на враги даровати, / тебе бо ко Владыце тепла молитвенника стяжхом, / подающему миру велию милость.

Возсия днесь пресветлая память твоя, / Богомудре Иакове, / созывающи ны, празднлюбцы, / к похвалению и славе Христа Бога нашего. / Тем притекающе к мощем твоим исцеления дар приедем / и тебе прославльшаго Спаса Христа воспеваем во веки, / непрестанно славяще.

Отче преблаженне Иакове, / днесь любовь сошедшися к тебе чудотворцу, / светло торжествующе, / гласы песенными псаломски вопиюще, глаголем: / блажен муж, бойся Господа, / непорочно бо в заповедех Господних ходил еси. / Темже ныне с праведными на Небесех водворяеши; / с нимиже молися Господеви / спастися душам нашим.

Слава, глас 6:

Приидите, вси Великаго Новграда народи, / сошедшися, возвеличим Христова рачителя: / сей бо измлада покорил плоть духу / и по Господним стопам избвоти ходити, / на земли жестоко житие показав. / Ангелы убо удивил, демоны же устрашил и человеки просветил. / К немуже сие рцем: / радуйся, терпеливый душею, / иже оставив тленное мудрование и прием нетленный венец. / Радуйся, светильниче многосветлый и к Богу молитвенниче теплый, / иже злокозненнаго врага до конца под ногами стерл еси; / радуйся, Иакове предивный, Небесный человеке, земный Ангеле, / и ныне на Небесех у Престола предстоиши Всецаря Христа, / к немуже за ны молися, / верою и любовью празднующая твое честное пренесение, / спастися душам нашим.

И ныне: Богородице, Ты еси лоза: Славословие великое.